

馬佳氏族譜

朱卷首

益藩題籤



滿洲馬佳氏第三次續修族譜序

乙丑之春越千太保薨於京邸蓋距故宮之遷播僅數閱月其沈寘隱恫有甚於麥秀黍離者余趨哭而哀之至今不能忘也太保系出滿洲馬佳氏文襄公圖海文通武達勳在國家勤直公昇寅清風亮節接武夔龍最著於時他如旁支末屬並多英雋三百年中名德重光爵位相繼具載史乘而世修家法雍穆有禮尤爲士族所欽崇太保族孫延喜續修宗譜成書之日太保猶躬覲焉曾謂弁首之文必以屬余延喜頃將遺言來請彌見故人推挹之重余其曷敢辭哉顧一回念生平執筆悲來輒弗克自舉其詞勉綴數語以貽延喜刊

諸簡端俾後之覽者於仰企文襄勤直兩公傳美之餘而并
感夫太保之孤忠耿耿夔絕人間不尤足永爲斯編增其風
烈也歟

丙寅季夏无補老人趙爾巽作於清史館之舫齋時年八十
有三

滿洲馬佳氏第三次續修族譜序

吾鄉馬佳氏海樓公世安系出名族服務旗署晚歲退休力行公益其叔子子元延喜以銀行起家亦效公之力行公益孳孳不已近者慨於族譜之失修銳以自任經營慘淡搜訪靡遺不惜重貲成此偉業可謂馬佳氏之孝孫海樓公之肖子世人營營自謀其私非惟淡然於國亦並淡然於家如子元者追遠履念睦族縈懷用情之摯立心之厚足以風勵薄俗矜式後昆可不謂賢乎

中華民國十六年丁卯八月五日遼陽袁金鎧謹序

德人與皇何不能賢乎

示并感深望念鄉里桑梓之情立亦之望以風化
不世人營營自藉其跡非對鄉里外則有並鄉鄰外家賊千
鄉數不計重賞與此鄉業何臨鄉科有之季將轉對公之百
華華不巧者鄉外鄉離之次鄉以自升強營對鄉對
行公益其鄉千之元鄉喜以贈行鄉鄉鄉公之代行公益
行鄉以行其鄉鄉公之世父系出谷鄉鄉鄉鄉鄉鄉公之
鄉鄉鄉公之鄉鄉鄉公之鄉鄉鄉公之鄉鄉鄉公之鄉鄉鄉公之

重脩族譜序

我馬佳氏系出長白爲滿洲望族自 始祖馬穆敦公得姓
受氏簪纓世守奕禩承庥有清肇基王迹佐命龍興爵公侯
位將相者代有其人載在國史著之家乘世人猶能道其詳
焉厥後椒聊繁衍派別枝分武烈文謨或慮失墜道光初葉
刑部郎中錫公福禮部尙書昇勤直公寅議修族譜宗功祖
德賴以昭垂特其間旁支挺出苗裔分歧記載猶疏鉤稽多
缺滋足憾也原夫我遠祖所自出實與費莫氏之先同屬一
源會遭家難播遷於嘉理庫馬佳地方因以爲氏有清崛起
長白我先人橐弓箠矢或從征關內或居守遼中服勞王家

爲八旗世僕而散居各行省佔駐防旗籍者尤不勝僂指計
不有譜牒奚析源流數典忘祖甚爲病之延喜奉吾父海樓
公暨吾母那太夫人命飭修舊譜爰搜輯各支北溯吉江南
踰渤碣周諮博訪遺者補之疑者闕之雖不敢謂秩然燦然
臻於美備庶幾遙宗近胄粗識淵源後之讀是譜者咸思一
本同根之誼而葛藟猶知託庇萁豆不致相煎以是爲五族
一家之先河焉蔑不可也斯則延喜兢兢修譜之志云爾

民國十六年歲建丁卯六月十六世孫馬延喜謹述

重修馬佳氏族譜序

族譜之作其原出於史官昔周小史定世系辨昭穆凡以垂
禋祀重明德也自隋唐以上官有簿狀家有譜牒實爲家乘
之嚆矢焉溯滿祖之先周爲者慎漢界三韓魏晉位於挹婁
元魏列於勿吉唐稱靺鞨金屬完顏夷考史冊其源蓋遠洎
清室肇興功成佐命我馬佳氏人材蔚起擔主列爵代有傳
人謨烈昭垂可謂盛矣道光二年族人部郎錫公福大宗伯
昇勤直公寅始有創修族譜之舉規模宏備垂裕後昆厥功
至偉迄今百有餘年繼續無人流風闐寂追原本始不免數
典忘祖之譏遼陽子元族叔篤念宗支緬懷先烈慨捐巨款

從事續修爰以氏族繁衍命

續等

任調查之役舟車所至博

採旁咨期無遺佚雖駐防各省者未徧搜尋而兩京遼瀋同宗悉已徵求徧載公復躬任纂修親爲詮次凡三閱寒暑是譜乃成毅力熱心舉族欽佩考我清初舊譜馬佳費莫實爲同族金史氏族考載有費莫氏而馬佳氏尙未著聞孰後孰先前譜從略嗣於遼中得費莫氏清文譯譜內我始祖馬穆敦公上溯三代記載頗詳乃知我族之先源出於費莫緣遭家難移居嘉禮庫城馬佳地方因以爲氏稽其時代當在元末明初之際分合源流於以證明繼至復縣族人以光緒十三年重修之譜見示復增入五祖光文八祖章京費揚武

二支凡所闕略經此次修輯燦然大備又編次鳳城多起一族原譜註稱亦在十九祖之列惟次第失考印證無從姑闕所疑以俟知者方今世風遞降宗法凌夷族系不詳曷資敦睦凡我馬佳子孫恭覽是譜愴懷祖德克迪前光於以敘彝倫緜似續胥有賴焉豈非吾宗族之厚幸也哉敬述本末昭示來茲是爲序

中華民國十六年歲次丁卯六月十七世孫馬佳績謹述

中華列國十六平類六丁版六民十廿世終開封靈龜張
示來茲欲為刊考觀有
論以謝言自陳誠豈非昔宗廟之聖幸也斯通並本來固
類其非愚哉午林恭賀景雷會動脈運京既前光效以餘
潤澤以榮眼者大令世風靈利宗慈慈通通承不特昌資煌
然靈德善祥衣衣平大應之風斯大德夫善而靈無與故聞
一吏具以謝前此大德聖德然大前又謂來風起冬賦一

重修馬佳氏族譜序

我馬佳氏之修族譜也始自

先曾祖勤直公時在道光初年迄今百有餘載宗支繁衍派系遞分惟是續修久曠殊有失墜之懼子元族姪篤念宗支追懷先烈從事續修爲時三載出資一萬五千餘元今始告成其功偉矣子元天性孝友學識兼優留學日本者八九載歸國後任哈埠中國銀行行長銀行公會會長在銀行界固負時譽而於振興實業尤不遺餘力如在黑河創辦輪運一事論者謂有保障國權之功非溢美也子元對於族中義舉無不次第舉行瀋陽宗祠現已建築告成而於遼陽創辦中

小學校尤爲美備同鄉父老咸推爲三省學校之模範近經
教育部特予文杏獎章非虛譽也斯譜告成屬世杰序其大
略爰述其追遠睦族之景行以告我同族之讀譜者且願後
之人知子元續修斯譜關係吾族中者甚大而世澤縣延勿
替豈有旣哉

第十五世孫馬世杰謹識

馬佳氏族譜目錄

敬卷首

趙次珊制軍序

袁潔珊京卿序

馬延喜第三次續修族譜自序

馬佳績重修馬佳氏族譜序

馬世杰序

赫東額傳

胡什巴傳

瑚石傳

文襄公圖海像

三世五祖九世一等忠達公諡法文襄配享太廟政績載在列傳

圖海傳及上諭祭文

昇寅傳

太保公紹英像

寶琳第五子出繼寶珣字越千度支部尚書內務府大臣政績載在列傳

紹英家傳

翁額松額

譜單照片

關於費莫氏馬佳氏之枝別甚詳

公年巴焉

譜單照片

多起

譜單照片

道光二年修譜首序原文

宗祠像片

宗祠碑文

卷一

始祖

二世祖

三世大祖

三世二祖

卷二

三世三祖

三世四祖

卷三

三世五祖

三世六祖

卷四

三世七祖

三世八祖

三世九祖

三世祖多起